

ԿՈՎԿԱՍՅԱՆ ԲԱՆԱԿԻ ԿՈՂՄԻՑ
1914—1917 թթ. ՆՎԱՃՎԱԾ ՇՐՋԱՆՆԵՐՈՒՄ
ՑԱՐԻՋՄԻ ՎԱՐԱԾ ՔԱՂԱՔԱԿԱՆՈՒԹՅԱՆ ՄԱՍԻՆ

Ա. Հ. ՀԱՐՈՒԹՅՈՒՆՅԱՆ

1914—1917 թթ. կովկասյան ռազմաճակատում ծավալված ռազմական գործողությունների հետևանքով ռուսական բանակը գրավել էր օսմանյան կայսրության և Պարսկաստանի տերիտորիաների մի մասը, այդ թվում նաև համարյա ամբողջ Արևմտյան Հայաստանը: 1916 թ. վերջերին ռուսների ձեռքում էին գտնվում Սև ծովի ափերը՝ Բաթումից մինչև Ռիդե, Տրապիզոն, էլլեու, այնուհետև սահմանն անցնում էր դեպի հարավ՝ Գյումուշխանա, Երզնկա, Արևմրտյան Եփրատի ափերը, Մամախաթունից հարավ՝ մոտ 100 կմ մինչև Արևելյան Եփրատ, Մուշ, Բիթլիս, Վանա լճի հարավային ափերը մինչև Ուրմիա, Ռևանդուզ և այլն:

Խոշոր վարչական կենտրոններ Տրապիզոնը, Էրզրումը, Վանը և այլն փաստորեն մնացել էին գործող բանակի խոր թիկունքում: Ռուսական բանակի գրաված տերիտորիան իր չափով ավելի մեծ էր, քան այժմյան Հայկական ՍՍՀ և Վրացական ՍՍՀ միասին վերցրած:

Ռուսական կովկասյան բանակը, հաղթահարելով թշնամու դիմադրությունը, խափանելով Կովկաս ներխուժելու նրա պլանները, փայլուն հաղթանակներ է տանում Սարիղամիշի, Դիլմանի, Էրզրումի, Երզնկայի, Բիթլիսի, Մուշի և մի շարք այլ ճակատամարտերում: Թվում էր, թե ցարիզմի նվաճողական պլանների իրագործումը Մերձավոր Արևելքում մոտենում էր իր վախճանին: Անշուշտ, օրակարգից չէին հանված նեղուցների գրավումը և դեպի Մոսկով շարժվելու պլանները, սակայն ներքին ու արտաքին կարգի մի շարք լուրջ հանգամանքներ արգելակում էին դրանց իրականացմանը: Ցարական կառավարությունը բոլորովին մտադիր չէր խողնելու գրաված տերիտորիաները, ընդհակառակը, նա այդ բոլորը դիտում էր որպես իր կայսրության ապագա անբաժան մասը, և պատերազմի հենց առաջին օրերից ձեռնամուխ էր եղել գրաված շրջանների ռազմական, վարչական, տնտեսական և քաղաքական կյանքում որոշակի կարգ ու կանոն մտցնելուն՝ Ռուսաստանում գործող օրենքների ոգուն համապատասխան:

Սույն հոդվածի նպատակն է հակիրճ կերպով լուսաբանել ցարական կառավարության ձեռնարկած մի շարք միջոցառումների էությունը, ցույց տալ այն սկզբունքները, որ բանակի հրամանատարությունը և պետական ղեկավարման կենտրոնական օրգանները մշակել էին գրաված շրջանները կառավարելու համար¹:

¹ Այս հարցը մասնակիորեն քննության է ենթարկված Ե. Ղ. Սարգսյանի «Թուրքիան և նրա նվաճողական քաղաքականությունը Անդրկովկասում» գրքում, Երևան, 1964 (տե՛ս նաև Զ. Կիրակոսյան, Առաջին համաշխարհային պատերազմը և արևմտահայությունը, Երևան, 1965,

1. ՀԱՐՅՈՒՐԱՊԵՏ ՆԱԱՎԵԳԻՇԵՎԻՑ ՄԻՆՉԵՎ ԳԵՆԵՐԱԼ ՅՈՒԳԵՆԻՉԸ

Ռուսական կայսրության տերիտորիայի հետզհետեւ ընդարձակումը արեւմուտքում, արեւելքում և հարավում զուգակցվում էր նվաճված երկրամասերի կառավարման համար համապատասխան միջոցառումներ ձեռնարկելու հետ:

Ճարհգմի քաղաքականությունը գրաված երկրամասերում իր հիմքում ուներ մեկ զլխավոր սկզբունք՝ բոլոր հնարավոր միջոցներով ամրանալ նվաճած վայրերում, տնտեսական օգուտ քաղել, բարելավել կայսրության ընդհանուր ռազմա-ստրատեգիական վիճակը, այլազգիներին ստիպել անառակելիորեն ճանաչել ցարական կարգերը, դաժան միջոցներով ճնշել կենտրոնախույս ուժերը, ազգային-ազատագրական շարժումները և ապահովել կայսրության միասնականությունը, նրա տերիտորիալ ամբողջականությունը: Լեհաստանում, Ֆինլանդիայում, Մերձբալթյան երկրներում, Միջին Ասիայում, հեռավոր Արևելքում ու Կովկասում ցարիզմի կառավարման մեթոդների միջև կային որոշակի առանձնահատկություններ ու տարբերություններ և դա միանգամայն տրամաբանական էր: Կայսրության ղեկավար շրջաններում չէին կարող հաշվի չառնել այդ երկրների ժողովուրդների զարգացման ընդհանուր մակարդակը և ազգային ավանդույթները, իսկ երբեմն նաև մյուս տերությունների դիրքը:

Ի տարբերություն արևմտյան տերությունների զաղութային տիրապետությունների ընդհանուր սխեմայի՝ ռուսական ցարիզմը տերիտորիալ առումով ուներ մեկ շոշափելի առավելություն: Այն ժամանակ, երբ Անգլիայի ու Ֆրանսիայի զաղութները ցրված էին ամբողջ աշխարհով մեկ, Ռուսաստանի բոլոր գրաված երկրները աշխարհագրական տեսակետից հանդիսանում էին նրա բուն տերիտորիայի մի տեսակ շարունակությունը:

Կովկասյան փոխարքայությունն այն հզոր օղակներից մեկն էր, որի միջոցով ցարական կառավարությունը իրականացնում էր իր քաղաքականությունը ոչ միայն Կովկասում, այլև գրաված նոր շրջաններում:

1877—1878 թթ. ռուս-թուրքական պատերազմի հետևանքով Ռուսաստանին միացվեցին Բաթումի, Կարսի և Արդահանի մարզերը: Ցարական ռազմական ու զինվանավորական շրջաններում այդ հաջողությունները դիտվում էին որպես նախապայման՝ հետագայում ղեպի ասիական Թուրքիա և Միջագետք թափանցելու համար: Սակայն նվաճելը հարցի միայն մի կողմն էր, կարևորը նվաճածը պահելն ու այնտեղ ամրապնդվելն էր: Բսկ ինչպե՞ս, ի՞նչ ուղիներ ու նախագծեր կային այդ ուղղությամբ:

Ամենանպատակահարմար միջոցը համարվում էր համապատասխան քաղաքականությամբ կադրային բանակի, ոստիկանական զորքերի առկայությունն ու շինովնիկական ապարատի ստեղծումը տեղում: Բայց առավել մեծապետական տարրերը նման միջոցները համարում էին ոչ ձեռնտու և թերի: Զորքը թանկ է նստում պետական գանձարանին, ոչ բոլոր շինովնիկներն են (մանավանդ տեղացիները) վստահելի: Իոնի, Թերեքի, Ուրալի կողակության ստեղծման փորձը հիշյալ տարրերի կողմից դիտվում էր որպես առավել ձեռնտու միջոց: Այդ տեսակետից շատ հետաքրքրական է 2-րդ Աստրախանյան զնդի հար-

С. М. Акопян, Западная Армения в планах империалистических держав, Ереван, 1967. II. Արգուժանյան, Ժամանակավոր կառավարության քաղաքականությունը Արևմտյան Հայաստանում և նրա մերկացումը բոլշևիկյան կուսակցության կողմից, «Բանբեր Հայաստանի արխիվներ», № 2, Երևան, 1967, Լեո. Թուրքահայ քաղաքականությունը, մաս 2, Փարիզ, 1932):

յուրապետ Նասլեդիշևի 1877 թ. նոյեմբերի 24-ի նամակը ցարին²։ Ըստ Նասլեդիշևի նոր նվաճած երկրամասերը կենտրոնական մարզերից կողակոթամբ բնակեցնելը ունի հետևյալ առավելությունները. նախ՝ ռուս կողակոթյունը, տիրելով հողին, ոչ միայն ամրանում ու պաշտպանում է այն, այլև հակված է նաև ընդարձակելու իր հողամասը հարևան ժողովրդի կամ պետության հաշվին։ Երկրորդ՝ կողակոթյունը փաստորեն փոխարինում է գործին։ Երրորդ՝ հիմք է ստեղծվում զբաղված երկրամասի ու ժողովրդի ռուսացման համար։ Ահա մի քանի մեջբերումներ Նասլեդիշևի ղեկուցագրից.

«Ռուսաստանի սահմանների ընդարձակմանը ղուղընթաց անմիջապես ստեղծվել են կողակաշին նոր դոտիններ, նոր զբաղված երկրամասերի զաղութացման ու ռուսացման համար»³։ Եթե կողակոթյուն շատեղծվի գրաված վայրերում, ըստ հարյուրապետ Նասլեդիշևի, Ռուսաստանը կարող է ունենալ «թաթարական, հայկական, պարսկական նահանգներ, բայց ոչ ռուսական»⁴։ Այնուհետև նա նկարագրում է համարյա ամբողջ Արևմտյան Հայաստանի և կից շրջանների աշխարհագրական պայմանները, հողի բերրիության աստիճանը, ժողովուրդների կազմը և առաջարկում է այն կարգը, որ պիտի սահմանվի զբաղված շրջանների համար կենտրոնական նահանգներից ռուս բնակիչների հավաքագրելու գործում։ Ընդ որում, չի խորշում առաջարկելու, որ նման հավաքագրման ժամանակ չպետք է կանգ առնել նույնիսկ հարկադրական միջոցների առաջ։

Պետք է ենթադրել, որ Նասլեդիշևը մենակ չէր իր այդ տեսակետներով։ 47 տարի նրանից հետո, 1915 թ., երբ ռուսական զորքերը զբաղել էին Ալաշկերտի հովիտը, ամրացել էրզրումի մատույցներում, տիրել Իրանական Աղբյուրբեջանի ղզալի մասին, ցարական կառավարության գործիչները նորից աշխույժ բնության առարկա են դարձնում կովկասյան բանակի զբաղված և զբաղվելիք շրջաններում իրենց քաղաքականության սկզբունքային հարցերը։ 1915 թ. փետրվարի 28-ին հողադործության միևնույն Կրիվոշևինը արտաքին գործերի միևնույն Սաղոնովին ուղղած նամակում շարադրում է իր միևնույնության մտահղացումները կովկասյան բանակի զբաղված շրջանների յուրացման մասին⁵։

«Թուրքական ռազմաճակատում մեր բանակի հաջող գործողությունների հետևանքով, — գրում է Կրիվոշևինը, — պետք է ենթադրել, որ շատ թե քիչ մոտիկ ապագայում հնարավոր կդառնա կովկասյան սահմանների ուղղումը և մեր տիրապետությունների կլորացումը Փոքր Ասիայում ու Հայաստանում»⁶։ Կրիվոշևինը գրաված նոր տիրապետությունները բաժանում է հետևյալ 4 դոտինների՝ ա) Սև ծովի ափերը, բ) Արաքսի ու Եփրատի վերին հոսանքները, գ) Պարսկաստանի սահմանին կից տերիտորիաները և դ) Կասպից ծովի հարավային ափերը, Գիլանը և Մազանդարանը⁷։ Հողադործության միևնույնը նկարագրում է այդ դոտիններից յուրաքանչյուրի աշխարհագրական, կլիմայական պայմանները, բնական հարստությունները և համապատասխան առաջարկու-

2 Տե՛ս ЦГА Грыз. ССР, ф. 1438, оп. 1, д. 681, л.л. 1 — 9.

3 Նույն տեղում, թ.

4 Նույն տեղում։

5 Տե՛ս «Раздел Азиатской Турции», сборник документов, М., 1924.

6 Նույն տեղում, էջ 360.

7 Նույն տեղում, էջ 361.

թյուններ անում նրանց յուրացման ու շահագործման մասին: 1916 թ. մարտի 12-ին Կրիվոշեինը երկրորդ անգամ է դիմում Սադոնովին: Հայտնի է, որ փետրվարի 3-ին էրգրումը հերոսական զրոհով գրավվել էր ռուսների կողմից: Ռուսական բանակն առաջ էր շարժվում դեպի արևմուտք ու հարավ: Փաստորեն Արևմտյան Հայաստանի տերիտորիայի հիմնական մասն ազատագրված էր թուրքերից: Գրաված շրջաններում ռուսական պետականության հաստատման հարցը հրատապ բնույթ էր ստացել:

Սադոնովին գրած իր այս երկրորդ նամակում Կրիվոշեինը անհանգստություն է հայտնում, որ գրաված հողերը կարող են ընկնել պատահական, սպեկուլյատիվ տարրերի ձեռքը, ուստի առաջարկվում է «անհապաղ ձեռնամուխ լինել պարզելու հողային վիճակի հարցը Արևմտյան Հայաստանում»⁸: Նա կոնկրետ առաջարկություն է մտցնում՝ երկու միևիստրությունների զործին ծանոթ աշխատակիցներից կազմել խառը հանձնաժողով, տեղում հարցերն ուսումնասիրելու և համապատասխան հրահանգների նախագծեր կազմելու համար:

Մյուս կարևոր փաստաթուղթը, ուր ամենայն պարզությամբ ու հետևողականությամբ շարադրված են ցարական կառավարության բաղաբականության ընդհանուր սկզբունքները կովկասյան բանակի կողմից գրաված շրջաններում՝ կազմված է արտաքին գործերի միևիստրությունում⁹: Դատելով ոճից ու հարցադրումների տոնից, կասկած չի մնում, որ այն կազմված է Սադոնովի կողմից: Այդ փաստաթղթում ամենայն որոշակիությամբ ընդգծված է, որ սկսած Պետրոս I-ի ժամանակից ռուսական կայսրությունը բայլ առ բայլ ձգտում է ազատ ծովազնացության հաստատմանը իր հարավում և ամրանալով նախ Ադոլում, ապա Սև ծովի հյուսիսում, այժմ ընդհուպ մոտենում է իր մշտական երազանքին՝ նեղուցներին¹⁰: Փաստաթղթում նշվում է, որ Թուրքիայի կենտրոնախույս ուժերից Ռուսաստանի համար ամենահավատարիմ տարրը հայերն են:

Հասկանալի պատճառով, գրաված շրջանների հետագա վիճակի հարցում անհանգստություն էին ցուցաբերում նաև իրենք, զորամասերի հրամանատարները: Դրանցից մեկը կովկասյան բանակի հրամանատար գեներալ Ն. Ն. Յուդենիչն էր, որը Վորոնցով-Դաշկովին գրած իր հայտնի ղեկուցադրում (1915 թ. ապրիլի 5-ին) մատնանշելով ձիերի կերի պակասը և այն դժվարությունները, որ փոխադրամիջոցի՝ վատ վիճակի հետևանքով ստեղծվել էր բանակի մատակարարման զործում, առաջարկում է անհապաղ ձեռնամուխ լինել Ռուսաստանի կենտրոնական նահանգներից որոշակի թվով ռուսներ հավաքագրելուն և գրաված շրջանները փոխադրելուն, որոնք և տեղում կապահովեն բանակի մատակարարման հետ կապված հարցերը: Ըստ Յուդենիչի, այդ նույն մարդիկ, ծանոթանալով նոր վայրերի պայմաններին, իրենց մշտական բնակավայրերը վերադառնալուց հետո պետք է լայն աշխատանք ծավալեն բնակչության մեջ, հետադառյալ ալելի մեծ զանգվածներով Արևմտյան Հայաստանի՝ թուրքերի ու քրդերի կողմից լքած բնակավայրերը տեղափոխելու օգտին: Յուդենիչի առաջարկները փաստորեն նորություն չէին: Դա նասլեդիչևի առա-

⁸ АВП России «Политархив», ф. 3486, № 2.

⁹ Նույն տեղում, ֆ. 3480, № 25.

¹⁰ Նույն տեղում, № 26.

ջարկները զործնականում իրագործելու մի նոր դրսևորում էր սլատմական նոր ժամանակաշրջանում:

Թե ինչու՝ ո՛չ անցյալ դարավերջում և ո՛չ էլ առաջին համաշխարհային սլատերազմի շրջանում ռուս-թուրքական կովկասյան սահմանում կովակություն շատեղծվեց, բացատրվում է նրանով, որ երկու պայքում էլ արտաքին ու ներքին անբարենպաստ հանգամանքներն անհնար էին դարձնում այդ:

Ցարական կառավարության սլաշտոնական վավերագրերում բազմիցս խոսվում է նաև աղգային հարաբերությունների մասին կովկասում և շոշափվում ցարական կառավարության վերաբերմունքը գեպի նոր նվաճված երկրամասերի տարրեր ժողովուրդներն ու աղերը: Մինչև Նիկոլայ Նիկոլանիչի կովկասի փոխարքա նշանակվելը (1915 թ. օգոստոս) կառավարությունը տանում էր հայերին հովանավորելու քաղաքականություն: Արտգործմինիստրության փաստաթղթերից մեկում այդ ընդհանուր գաղափարը ձևակերպված է հետևյալ կերպ. «Խոսելով գերմանա-թուրքական հայաչինչ քաղաքականության էության մասին, արտգործմինիստրությունը գտնում է, որ Ռուսաստանի սլանը սլտք է լինի ուղղակի նրանց սլանի հակառակը: Եթե գերմանացիներին ու թուրքերին Հայաստանը սլտք է առանց հայերի, եթե նրանց անհրաժեշտ է հայկական սեպի ոչնչացումը մուսուլմանական աշխարհի մեջ, եթե նրանք ցանկանում են ոչնչացնել մեր և մուսուլմանական-քրդական աշխարհի միջև ընկած արգելակը, ապա Ռուսաստանի խնդիրն է ինչ գնով էլ լինի վերաստեղծել այդ հայկական սեպ-արգելակը թուրքերի ու քրդերի և մեր թաթարների միջև:

Հայկական ընակչության սլահայանումը անհետաձգելի խնդիր է»¹¹: Հենց նման հարցադրումից ելնելով էլ սլահանչում էր ամեն տեսակի օգնություն հայ գաղթականությանը, որը և սլատերազմի ծանր տարիներին, թեկուզ մեծ դժվարություններով ու թերի, այնուամենայնիվ կատարվում էր:

2. ԱՐՏԿՈՐԽՐԻՆԻՍՏԸ Ս. Գ. ՍԱԶՈՆՈՎԻ ՑՈՒՑՈՒՄՆԵՐԸ ԵՎ ՓՈԽԱՐՔԱՆԻՈՒՄՆԵՐԸ

Նախասլատերազմյան շրջանում Արևմտյան Հայաստանում անցկացվելիք ռեֆորմների հարցը սերտորեն կապված է Սալոնիկի անսլան հետ: 1915 թ. յոգոստոսի 15-ին, երբ Նիկոլայ 11-ը իր ձեռքը վերցրեց գործող բանակի գերագույն ղլխավոր գորահրամանատարի սլաշտոնը, Նիկոլայ Նիկոլանիչ Ռումանովը, այդ սլաշտոնից աղատվելով, նշանակվեց կովկասի փոխարքա և կովկասյան ռազմաճակատի ղլխավոր գորահրամանատար: 1916 թ. հունիսի 14-ին Սաղոնովը Նիկոլայ Նիկոլանիչին հատուկ նամակով սլարկարանում է, որ էրզրումի, Տրապիզոնի, Երզնկայի, Բիթլիսի և մյուս վայրերի գրավման կապակցությամբ կենտրոնական կառավարության կողմից մշակվել և ցարին է հանձնվել ժամանակավոր կանոնադրություն՝ նշված երկրամասերի կառավարման համար, իսկ մինչ այդ, հարկ է համարում տալ միայն ընդհանուր կարգի ցուցումներ: Արտգործմինիստրը այդ նամակում խոստովանում է, որ ամենագրծվարինը նոր գրաված շրջանների կառավարման հարցում ահայկական հարցի որոշումն է»¹²:

¹¹ Նույն տեղում, թ. 29:

¹² Նույն տեղում, թ. 31:

Սաղոնովր նշում է, որ Ռուսաստանի շահերին չի համապատասխանում ոչ հայերին ավտոնոմիա տալը և ոչ էլ նրանց մուսուլմանների ողորմածությանը հանձնելը: Նա իհարկե անկեղծ չէր իր գործելակերպում, քանի որ ավտոնոմիայի բացառումը պատճառաբանում էր նրանով, որ հայերը իբր թե գրաված վիլայեթներում մեծամասնություն չեն կազմում և բացի այդ, մինչև պատերազմի վերջնական ելքը դաշնակիցները թույլ չեն տա միակողմանիորեն լուծելու Արևմտյան Հայաստանի տերիտորիայի և մանավանդ Կիլիկիայի բախտը:

Պետք է ասել, որ հայկական բնակչության քանակի հարցը միշտ էլ վիճի առարկա է եղել այն պարզ պատճառով, որ Թուրքիան երբեք ճիշտ վիճակագրական տվյալներ չի ունեցել և չի ցանկացել ունենալ: Կային վիլայեթներ, ուր հայերը բացարձակ մեծամասնություն էին կազմում: Սակայն հայտնի է, որ մշտական հալածանքների հետևանքով հայերը զաղթում էին ուր կարող էին. բայց բավական էր քիչ թիվ շատ տանելի պայմանների առկայությունը, որ պեսդի նրանք կենտրոնանային և կառչեին իրենց ծննդավայրերին: Սաղոնովի փաստարկումը 6 վիլայեթներում հայերի փոքրամասնություն լինելու մասին անհիմն է: Սակայն ի՞նչ է առաջարկում նա: «Խիստ կերպով ղեկավարվել օրինականության, արդարության և անկողմնակալության սկզբունքներով՝ ղեկավարելով ցեղերն ու տարրերը, շահագործելով նրանց իբար և բացառիկ հովանավորություն չստեղծելով մի ցեղի համար ի վնաս մյուսի: Այդպիսի ղեկավարում հնարավոր կլինի հայերին որոշակի շրջաններում տալ ինքնուրույնություն՝ ղեկավարական, եկեղեցական գործերում, վանքապատկան ու եկեղեցական կապիտալի տնօրինության, լիզվից օգտվելու իրավունքի, ինչպես նաև գյուղական ու քաղաքային ինքնակառավարման և ընտրության մամանակ տոկոսային հարաբերության նորմաների պահպանման գործում»¹³: Արտգործմինիստրը խորհուրդ է տալիս փոխարքային ձեռքից-ձեռք անցած հողերը, այգիները, տները վերադարձնել իրենց իսկական տերերին կամ նրանց ժառանգներին¹⁴:

Ի դեպ նշենք, որ նման թեզը բազմիցս կրկնվում է նաև մյուս պիտական-ռազմական գործիչների գրազրույթումներում:

Փոխարքա Նիկոլայ Նիկոլանիչ Ռոմանովը իր պատասխան նամակում¹⁵ հավանություն է տալիս Սաղոնովի առաջարկություններին. նա նշում է, որ ծայրահեղ անհրաժեշտություն է գրաված շրջանները ռուսական կայսրությանը կցելը, իսկ ինչ վերաբերում է հայկական հարցին, ապա նա գրում է. «Հայկական հարցը ներկայումս գոյություն ունեցող ռուսական կայսրության սահմաններում ըստ իմ խոր համոզման բոլորովին բացառվում է և հարկ չկա անգամ հիշատակելու դրա մասին, քանի որ փոխարքայության սահմաններում ռուսահպատակ հայերը հանդիսանում են ռուսահպատակ մուսուլմաններին, վրացիներին և ռուսներին համահավասար քաղաքացիներ»¹⁶:

Այնուհետև մեծ իշխան Նիկ. Նիկոլանիչը այն համոզումն է հայտնում, որ Հայկական հարցը նոր գրաված վայրերում նույնպես պետք է որոշվի այնպես, ինչպես Կովկասում: Բոլորը պետք է հավասար լինեն օրենքի առաջ, ան-

¹³ АВП России, ф. «Политархив», д. 3466, л. 13:

¹⁴ Նույն տեղում, թ. 14:

¹⁵ Նույն տեղում, письмо № 21083 от 3.7 1916 г.

¹⁶ Նույն տեղում, թ. 16:

կախ նրանց ազգային պատկանելությունից: Հենց այդ նպատակն է հետապնդում նրա այնքան աղմուկ հանած № 121 հրամանը (տրված 1916 թ. մարտի 19-ին)¹⁷: Այդ հրամանով պահանջվում է վերջ տալ անարխիային, կամայաբար ուրիշների հողերին կամ ունեցվածքին տիրանալուն: Փոխարքան հիշեցնում է, որ պատերազմական դործողությունները ավարտելուն պես անօրինական կարգով ուրիշի հողերին, այգիներին տիրացած մարդկանց, անկախ ազգային պատկանելությունից, ուժով կստիպվի այդ լուրջը վերադարձնել տերերին կամ պետության տեղական օրգաններին¹⁸:

Այս և նման բաղմամբիվ պաշտոնական դրագրություններից դժվար չէ եղրակացնել որ, առհասարակ հայկական ավտոնոմիայի մասին ոչ մի լուրջ խոսք կառավարական շրջաններում չկար: Նիկոլայ Նիկոլաևիչը, Սադոնովը, Կրիվոշինը և մյուսները այլ կերպ կվարվեին, եթե նրանք չլինեին միապետական երկրի գործիչներ, բայց քանի որ նրանք ցարիզմի հավատարիմ ծառաներն էին և ձգտում էին նրա ամրապնդմանն ու կայսրության տիրապետությունների ընդարձակմանը, պարզ է, որ ամենից առաջ պետք է վերջ տային անարխիային, տարրական պետականություն ու օրինականություն հաստատելին գրաված շրջաններում: Ավելին պահանջելը ուտոպիա էր:

3. ԳՐԱՎԱԾ ՇՐՋԱՆՆԵՐԻ ՎԱՐՉԱԿԱՆ ԲԱԺԱՆՈՒՄԸ ԵՎ ՎԱՐՉԱՏՆՏԵՍԱԿԱՆ ՍՐԳԱՆՆԵՐԻ ՖՈՒՆԿՑԻԱՆԵՐԸ

1916 թ. հունիսի 5-ին կայսր Նիկոլայ II-ը հաստատեց «Временное положение об управлении областями Турции, занятыми по праву войны».

Համաձայն այդ կանոնադրության, Ասիական Թուրքիայի և Արևմտյան Հայաստանի ուսական զորքերի կողմից գրաված շրջանների ընդհանուր ղեկավարման համար ստեղծվում էր ժամանակավոր ռազմական գեներալ-նահանգապետություն, գեներալ-նահանգապետի գլխավորությամբ: Դեներալ-նահանգապետը ենթարկվում էր Կովկասի փոխարքային: Նահանգապետության կենտրոնական ղեկավար օրգաններն էին՝ 1. Գեներալ-նահանգապետի շտաբը, 2. գրասենյակը, 3. ռազմա-սանիտարական վարչությունը, 4. ռազմա-անասնաբուժական վարչությունը, 5. տեխնիկական բաժինը, 6. հարկային վարչությունը, 7. վերահսկիչ վարչությունը, 8. լեռնային մասի վարչությունը:

Գրաված նոր շրջանները բաժանվել էին հետևյալ 4 մարզերի՝

ՎԱՆԻ ՄԱՐԶ — Ընդգրկում էր Վանի վիլայեթի նախկին սահմանները, Բայազետի և Դիադինի օկրուգները մինչև Տիշլի-չայ գետն արևմուտքում: Մարզի բնակչության թիվը հասնում էր 52000-ի: Այն փաստը, որ Վանի մարզը զբաղեցնում է Թուրքիայի և Պարսկաստանի քրդաբնակ շրջանների միջև, պահանջվում էր հատուկ ուշադրություն դարձնել այդ շրջանի վրա:

ԽՆՈՒՍԻ ՄԱՐԶ — Ընդգրկում էր իր մեջ նախկին Բայազետի օկրուգի արևմրտյան մասը, Տիշլի-չայից դեպի արևելք, Խնուսի կաղան և Բիթլիսի վիլայեթի ուսական զորքերի կողմից գրավված շրջանները: Բնակչության թիվն էր 39000 մարդ:

¹⁷ Նույն տեղում, թ. 17:

¹⁸ Նույն տեղում

ԷՐԶՐՈՒՄԻ ՄԱՐԶ — Ընդգրկում էր նախկին էրզրումի վիլայեթը առանց Բայազետի օկրուգի արևմտյան մասի, և հնուսի կապան, առանց Թորթումի, Մելոյի, Իսպիրի և Բայբուրթի օկրուգների: Բնակչության թիվը՝ 106000: Այդ մարզին տրվում էր հատուկ նշանակություն՝ ելնելով նրա աշխարհագրական դիրքից: Կովկասյան լանակի շտաբը ևս, սկսած 1916 թ. փետրվարից, տեղավորված էր էրզրումում:

ՊՈՆՏՈՍԻ ՄԱՐԶ — Ընդգրկում էր Տբալիգոնի արևելյան մասը (որ գրավված էր ռուսական զորքերի կողմից), Խոմուրչյանի, Ռիդեի և Ատտինեի օկրուգները, էրզրումի վիլայեթի հյուսիսային մասը՝ այն է Բայբուրթի, Խոպերի, Մելոյի և Թորթումի օկրուգները: Բնակչության թիվն էր 170000 մարդ:

Մարզերի միջև եղած սահմանների ճշտումը կատարվում էր փոխարքայի կողմից, գեներալ-նահանգապետի առաջարկով:

Բոլոր 4 մարզերը 1916 թ. վերջին բաժանված էին հետևյալ 29 օկրուգների որոնց գլուխ կանգնած էին օկրուգի պետերը¹⁹ (որպես կանոն՝ ռուս զինվորականներ) — Ռիդեի, Խոմուրչյանի, Մելոսի (Ճորոխի), Ղարաքիլիսայի, Աթինի, Բայազետի, Վանի, Թորթումի, Դիադինի, Ալաշկերտի, էրզրումի, Հասանկալայի, Խորասանի, Իդի, Բերկրիի, Աշկալայի, Մամախաթունի, Բայբուրթի, Մասսադի, Սարայի, Իսպիրի, Դյոթթջանի, Վերին Արաքսի, հնուսի, Դատախի, Մանազկերտի, Արճեշի, Բաշկալայի և Խոշաբի:

Օկրուգները բաժանվում էին տեղամասերի, որոնց գլուխ պիտի կանգնած լինեին տեղամասի պետը:

Համաձայն ժամանակավոր կանոնադրության, վերոհիշյալ նորաստեղծ վարչական օրգանների հիմնական պարտականությունն էր ամենից առաջ «կարգ ու հանգստություն սահմանելը, բնակչության կյանքի, պատվի, ունեցվածքի, կրոնական ու քաղաքացիական ազատության պահպանումը և վերջիններիս իրավահավասարությունը ռուսական կառավարության առաջ անկախ ազգից ու ցեղից, ինչպես նաև խաղաղ աշխատանքի ապահովումը ռուսական կայսրությանը անառարկելիորեն հպատակվելու հիման վրա»²⁰:

Իոնենո բնակավայրերը լքած բնակիչների ունեցվածքը բռնագրավվում էր և համարվում պետական սեփականություն:

Ժամանակավոր կանոնադրության հիման վրա մշակվեցին համապատասխան հրահանգներ կառավարման բոլոր օղակների համար: Այդ հրահանգներում նշվում էին կառավարման յուրաքանչյուր օղակի իրավական սահմաններն ու պետերի պարտականությունները:

Պարզաբանման համար համառոտակիորեն կանգ առնենք դրանց վրա:

ա) Օկրուգները և նրանց պետերի պարտականությունները — օկրուգը վարչական բաժանման հիմնական օղակն էր, որի միջոցով իրականացվում էին համարյա բոլոր կարևոր միջոցառումները ռուսական պետականության ամրացման համար: Օկրուգի պետը իրավունք ուներ՝

1) Նրկու շաբաթ ժամանակով մեկուսացնել բոլոր կասկածելի կամ վրստահություն չներշնչող բնակիչներին:

¹⁹ Տեղեկությունները հաղորդվում են համաձայն ա) ЦГВИА, ф. 2168, оп. 1, д. 268. և բ) ИГЛ Груз. ССР, ф. 520, оп. 1, д. 216.

²⁰ ЦГВИА, ф. 2168, оп. 1, д. 268, л. 20.

2) Կարգադրել խուղարկության ենթարկել բոլոր (առանց բացառության) շենքերը, բնակարանները, եթե նման անհրաժեշտություն դրացվում է:

3) Ոչ ծանր հանցանքների կամ դանդաղների համար, ելնելով հասարակական կարգի ապահովման շահերից, հանցավորներին ենթարկել երկու շաբաթվա կալանքի կամ 25 ո. տուգանքի:

4) Անցադրել տալ բնակիչներին օկրուգից կամ մարզից տեղափոխվելու համար:

5) Առաջին կարգի անհրաժեշտ մթերքների նկատմամբ սահմանել գների միջնորդում:

6) Թույլատրել կրոնական և ավանդական տոնակատարություններ և այլն:

Օկրուգի պետի համար սահմանված էր երկու օգնական՝ վարչատնտեսական և ոստիկանական դործերի գծով: Դատական և այլ դործերի համար օկրուգի պետին տրամադրվում էր 3 մասնագետ օգնական:

Բազմաթիվ գրադրություններ օկրուգների պետերի և նրանց վերադասների ու ստորադասների միջև վկայում են, որ նրանք ըստ էության ձևոնամուխ էին եղել իրենց ֆունկցիոնալ պարտականությունների կատարմանը²¹:

բ) Վերը նշեցինք, որ օկրուգները տրոհվում էին տեղամասերի: Համաձայն հրահանգի՝ տեղամասերի (УЧАСТОК) պետերի վրա պարտականություն էր դրվում ուղղորդություն դարձնել դրամական միջոցների, հարկերի ժամանակին գանձմանը, հասարակական հավաքներում կարգ ու կանոնի պահպանմանը, դատական վճիռների անշեղ կատարմանը: Տեղամասի պետը իր հայեցողությամբ դործերը հանձնում էր դատարանին, հետևում դպրոցական դործին և առևտրական կետերի, հատկապես հացի խանութների նորմալ աշխատանքներին: Տեղամասերի պետերը պետք է խիստ հսկողություն սահմանեին անտառների, ճանապարհների, կամուրջների սլուհպանման վրա, քաղաքների ու գյուղերի սանիտարական դրության, վիճակագրության վրա: Նրանք պետք է ի հայտ բերեին ամեն տեսակի հանցադործներին, քննություն նշանակեին նրանց նկատմամբ, իսկ առավել վտանգավոր հանցանքների մասին անհապաղ ղեկուցեն օկրուգի պետին: Վարչական տույժեր նշանակելու հարցում օկրուգի պետը օգտվում էր գումարտակի հրամանատարի, իսկ տեղամասի պետը՝ վաշտի հրամանատարի իրավունքներով²²: Տեղամասի պետն իրավունք ուներ մեկ շաբաթվա կալանքի կամ 10 ո. տուգանքի ենթարկել այն անձանց, ովքեր խախտել էին հասարակական կարգը, սպառնացել քաղաքացիների կյանքի անվտանգությանը կամ կատարել այլ կարգի հանցանքներ²³:

գ) Տեղամասերն իրենց հերթին բաժանվում էին գյուղական ժողովների, որոնց գլուխ կանգնած էին գյուղական ավագն ու նրա կատարածուն, գյուղական ավագի օգնականն ու նրա կատարածուն: Փոքր բնակավայրերում, ուր հնարավոր չէր գյուղական ժողով կամ ավագ նշանակել, նշանակվում էին տասնապետ, հարյուրապետ, հարկահավաք և գյուղական գրագիր: Գյուղական վարչության կառուցվածքում նախատեսվում էին նաև այլ պաշտոնատար անձինք, այդ թվում նաև գյուղական փոստատարը:

21 Այդ մասին առանձնապես հարուստ փաստական նյութ է կուտակված Վրաց. ՍՍՀ ՊԿԱ, ֆ. 520, ց. 1, գ. № № 36, 37, 38, 62, 79, 87, 133, 136, 138, 140, 141 և այլն:

22 ЦГБИА, ф. 2168, оп. 1, д. 268, л.л. 21 — 22.

23 Նույն տեղում:

Այսպիսով, պետք է ընդգծել ցարական չինովնիկների «բարեխղճությունը», որոնք ամենայն մանրամասնությամբ մշակել էին իրենց նոր տիրապետությունների վարչա-տնտեսական կառուցողական սահմանված համարյա ռազմական ոգով:

Դեներալ-նահանգապետ, մարզապետ, օկրուգի պետ, տեղամասի պետ, գյուղական ժողովի պետ՝ այսպիսին էր այն հիերարխիան, որ նախատեսել էին ցարական պետական գործիչները նոր նվաճված երկրամասերը ղեկավարելու համար:

4. ՄԻՋՈՑԱԹՈՒՄՆԵՐ ԲԱՆԱԿԻ ՈՒ ԲՆԱԿՉՈՒԹՅԱՆ ՄԱՏԱԿԱՐԱՐՄԱՆ ԳՈՐԾԻ ԿԱԶՄԱԿԵՐՊՄԱՆ ԱՍՊԱՐԵԶՈՒԹ

Ճանապարհների բացակայությունը, որոշ շրջանների բացարձակ անմարդաբնակ դառնալը, զաղթականության առկայությունը և նման այլ հարցեր ստիպում էին կառավարող օրգաններին ամենայն լրջությամբ վրադնել բնակչության ու բանակի մատակարարման կազմակերպման հարցերով: Այդ հարցերի որոշման համար գեներալ-նահանգապետին կից ստեղծվել էր մատակարարման և տնտեսական բաժին, որի հիմնական պարտականությունն էր ամեն կերպ նպաստել բանակի ու բնակչության նորմալ մատակարարման գործին: Մատակարարման և տնտեսական բաժինն ուներ հետևյալ կառուցվածքը.

1. Տնտեսական և մատակարարման դեով խորհրդակցություն գեներալ-նահանգապետի նախագահությամբ:

2. Բաժնի պետ, որը և ղեկավարում էր ընթացիկ բոլոր գործերը՝ գեներալ-նահանգապետի ցուցումների հիման վրա:

Տնտեսական և մատակարարման բաժնի պետի վրա էին դրված մի շարք կոնկրետ պարտականություններ:

ա) Համապատասխան միջոցառումների մշակումը և այդ մասին գեներալ-նահանգապետին ղեկուցելը:

բ) Օկրուգների պետերի հետ անմիջական կապերի մեջ մտնելը՝ մատակարարման հարցը կազմակերպելու համար:

գ) Անհրաժեշտ տեղեկություններ կենտրոնացնելը, մատակարարման գործի կազմակերպման մասին հայտեր ներկայացնելը և նրանց կատարմանը հետևելը:

դ) Բոլոր անձնական պատասխանատվությամբ հստակ միջոցների դիմելը բանակի ու բնակչության մատակարարման գործի կազմակերպման ուղղությամբ և այդ մասին ղեկուցելը գեներալ-նահանգապետին:

Պետք է ընդգծել, որ մատակարարման և տնտեսական հարցերը կովկասյան ռազմաճակատի համար ունեին առանձնահատուկ նշանակություն, ուստի զլխավոր հրամանատարությունը և փոխարքայությունը դրանց տալիս էին շատ մեծ նշանակություն:

Բավական է ասել, որ գեներալ-նահանգապետին կից մշտապես գործում էր հատուկ խորհրդակցություն, որի կազմի մեջ մտնում էին ինքը՝ գեներալ-նահանգապետը, որսյես խորհրդակցության նախագահ, իր տեղակալները, շտաբի պետը, տնտեսական մատակարարման բաժնի վարիչը, զլխավոր մատակարարման վարչության ներկայացուցիչը, փոխարքայության գրասենյակի ներկայացուցիչը, հողագործության մինիստրության ներկայացուցիչը, դրա-

սենյակի պետը, ճանապարհների հաղորդակցության վարչության ներկայացուցիչը, վերահսկիչներ, ինժեներ տեսուչներ, ռազմական-սանիտարական տեսուչը, ռազմական-անասնաբուժական տեսուչը, մատակարարման գծով օկրուգի շտաբի ավագ հանձնարարություններ կատարողը, զաղթականներին օգնող կոմիտեի, կարմիր խաչի, գյուղական կոմիտեների, քաղաքների միության ներկայացուցիչները և հասարակական բաղմաթիվ այլ կազմակերպությունների ներկայացուցիչները Հարցերի քննարկման ժամանակ անհրաժեշտության դեպքում հրավիրվում էին նաև համապատասխան մասնագետները:

Ինչպես երևում է վերը նշածից, խոսքը վերաբերում էր այնպիսի մի օրգանի ստեղծմանը, որն ընդգրկում էր տնտեսական կյանքի համարյա բոլոր բնագավառների ղեկավարությունը:

Գեներալ-նահանգապետին կից ստեղծված այդ լայն ներկայացուցչական խորհրդակցությունը իր միջից ընտրում էր պարծաղիք ընթացիկ ղեկավարությունն իրականացնող օրգան, որը կոչվում էր բյուրո՝ մատակարարման-տրնտեսական բաժնի վարիչի նախագահությամբ:

Օկրուգների պետերի նախագահությամբ նույնպես ստեղծվում էին հատուկ կոմիտեներ տնտեսական մատակարարման հարցերը օկրուգներում լուծելու համար: Այդ կոմիտեներում գործում էին տնտեսական, ֆինանսական, հսկողական համապատասխան տեսուչները և նրանց բարաուղարները, որոնք օկրուգի պետի ղեկավարությամբ մշակում, կազմակերպում և ապահովում էին մատակարարման գործը տվյալ օկրուգի սահմաններում:

Կարելի է բերել տասնյակ օրինակներ, որոնք վկայում են այն մասին, որ, իրոք, օկրուգների պետերն իրենց առօրյա գործունեության ընթացքում ձեռնամուխ են եղել ղեկատեսների, սանիտարական աշխատողների դասընթացների կազմակերպման գործին, առանձնացվել են պիտուրական ջոկատներ բարուբանդ եղած հանքահորերը վերականգնելու համար:

Այսպիսով, կովկասյան փոխարքայությունը և կովկասյան բանակի գլխավոր հրամանատարությունը նոր նվաճած շրջաններում ձեռնարկում էին այն բոլոր հնարավոր միջոցառումները, որոնք կարող էին նպաստել նվաճած երկրամասերի տնտեսական նորմալ կյանքի վերականգնմանը: Չի կարելի ասել, թե այն, ինչ նշված էր կանոնադրությունում կամ հրահանգում, լիովին կատարվում էր, սակայն փաստը մնում է փաստ, որ բանակի հրամանատարությունը և պետական ղեկավարման օրգանները ձգտում էին տարրական կարգու կանոն հաստատել նվաճած շրջաններում, որը մի քայլ առաջ էր համեմատած անարխիայի ու կամայականության հետ:

ՄԻՎԻՑԻԱՅԻ ՍՏԵՂԾՈՒՄԸ ՍԱՐՁԵՐՈՒՄ ԵՎ ՈՎՐՈՒԿՆԵՐՈՒՄ

Փետրվարյան բուրժուա-դեմոկրատական հեղափոխությունից հետո ստեղծված պայմաններում, երբ զրավված վիլայեթներում ղեռնա տիրում էին խառնաշփոթություն, ազգամիջյուն ընդհարումներ, երբ լեռներում ու անտառներում ղեռ գործում էին բրդական հրասակները, նոր ստեղծվող ռուսական վարչական օրգանների համար ամենաառաջնահերթ խնդիրներից մեկը միլիցիայի կազմակերպումն էր: Ժամանակավոր կառավարության ստեղծումից առաջ նախա-

²⁴ Այդ բոլորի մասին տե՛ս Վրաց. ՆՍՀ ՊԿԱ, ֆ. 520, ց. 1, գ. № 216, ք. ք. 6, 7, գ. № 17, ք. 12—13 և այլն:

տեսվում էր սկզբնական շրջանում ունենալ 9000 միլիցիոներ, սակայն, ինչպես երևում է գեներալ-նահանգապետ, գեներալ Ավերյանովի ղեկուցադրից, 1917 թ. դարնանը հազիվ կարողացել են հավաքադրել 3000 հոգի²⁵:

Ցածր վարձատրությունը և բանակի զինվորների քաղաքական տրամադրությունները աննպաստ էին միլիցիայի կազմի հավաքադրման համար:

Գեներալ Ավերյանովն իր ղեկուցադրում, հաշվի առնելով զրաված շրջանների ներքին զրությունը, առաջարկում է ստեղծել միլիցիա հետևյալ կառուցվածքով.

ա) Հետևակ — քաղաքների, դյուղերի բնակչության անվտանգության և կարգ ու կանոնի համար:

բ) Հեծյալ միլիցիա — ճանապարհների, կամուրջների պահպանման, փոխադրամիջոցին և փոստին ուղեկցելու համար:

գ) խառն միլիցիա (հեծյալ և հետևակ) — բանդիտիզմի, թալանի և թըշնամական տարրերի հարձակումների դեմ պայքարելու համար:

դ) Ռեզերվ վերը նշված երեք կարգի միլիցիայի խմբերը համալրելու համար:

Բոլոր 4 մարզերը (Վանի, Խնուսի, Էրզրումի, Պոնտոսի) պետք է ունենային հիշյալ 4 կարգի միլիցիայի խմբերը: Մարզերի միլիցիայի պետերը ենթարկվում էին մարզերի կոմիսարներին: Իր ներքին կառուցվածքով միլիցիան պիտի բաժանվեր տասնյակների, հիսնյակների և հարյուրյակների՝ իրենց պետերով հանդերձ:

Յուրաքանչյուր մարզի համար նախատեսվում էր ունենալ՝

միլիցիայի պետ — 1

օգնականներ — 4

հարյուրապետեր — 9

հիսնապետեր — 15

տասնապետեր — 106

շարքային միլիցիոներներ — 1174

ընդամենը 1309²⁶,

Իսկ բոլոր 4 մարզերը, ըստ Ավերյանովի հաշվարկումների, պետք է ունենային միլիցիայի պետեր՝ 4, նրանց օգնականներ՝ 16, հարյուրապետեր՝ 36, հիսնապետեր՝ 60, տասնապետեր՝ 424 և միլիցիոներներ՝ 4696, ընդամենը՝ 5206 մարդ²⁷:

Ելնելով այդ հաշվարկումներից, գեներալ Ավերյանովը իր ղեկուցագրում նշում է նաև պահանջվող զուեմարի չափը, ուր հասնում է մոտ 7.473.400 ուրբլու:

* * *

Գեներալ-նահանգապետության ստեղծումը իր բոլոր ատրիբուտներով ցարական կառավարության կողմից մի քայլ էր կովկասյան բանակի կողմից օսմանյան կայսրությունից գրաված շրջաններում պետական կարգ ու կանոն ըստեղծելու և այդ շրջանները կայսրության անբաժան մասը դարձնելու ճանապարհին:

²⁵ ЦГВИА, ф. 2003, оп. 4, д. 19, л.л. 172 — 192.

²⁶ Նույն տեղում, թ. 175:

²⁷ Նույն տեղում:

Միապետական ռեակցիոն գեներալների և մինիստրների կողմից առաջ քաշած ընդհանուր դրույթներն ու միջոցառումները արտաքուստ կատարվում էին բոլոր ցեղերին ու ժողովուրդներին հավասար վերաբերմունք ցույց տալու լոգունգի տակ: Սակայն այդ քողի տակ թաքնված էր շատ մեծ գաղտնիք և անարդարություն: Հայտնի է, որ Արևմտյան Հայաստանում կամ ամբողջ օսմանյան կայսրության մեջ հայերը իրավական տեսակետից հավասար պայմաններում չէին գտնվում: Նրանց հողերն ու ունեցվածքը մասսայաբար կողոպտվում էին: 1915 թ. Վանի վիլայեթում, Մուշում և Բիթլիսում տասնյակ հազարավոր հայեր բնաջինջ էին արված: Ոչ մի հրաման կամ օրենսդրական ակտ չէր կարող մոզական այնպիսի ուժ ունենալ, որ բոլոր երգվյալ թշնամիներին անմիջապես եղբայրներ դարձնել: Իրավացի էր Վանի նահանգապետ Արամ Մանուկյանը, երբ գեներալ Նիկոլաևից, Օզանովսկուց և Յուդենիչից պահանջում էր ամենից առաջ օրենքով պատժել աղատ շրջող հարյուրավոր մարդասպանների, երաշխիքներ ստեղծել հայերի նկատմամբ հետագա բռնությունների բացառման համար և հետո միայն կիրառել հավասարության թեղը: Ըստ էության, Նիկոլայ Նիկոլաևիչի Սադոնովին դրած նամակում առաջ քաշած «բոլորը պետք է օրենքի առաջ հավասար լինեն» թեղը ֆիկցիա էր, որովհետև դրանով փաստորեն օրինականացվում էր արդեն իսկ գոյություն ունեցող անհավասարությունը: Ոչ ոք չի կարող հայերին մեղադրել նրանում, թե իբր նրանք արտոնյալ վիճակ են պահանջել իրենց համար մյուս ազգերի նկատմամբ. դա կլիներ առնվազն զրպարտություն ու անբարեխղճություն: Սակայն նրանք իրավունք ունեին պահանջելու, որպեսզի գործնականում դատաստան տեսնվի դահիճների հետ, հայերին վերադարձվեն իրենց շենքերը, հողերը, անգամ թաքցրած կանանց ու երեխաներին, զինաթափ արվեն բուրդ հրոսակախմբերը և հետո միայն խոսք բացվի ներքին կարգ ու կանոնի մասին: Բայց Նիկոլայ Նիկոլաևիչին կամ Յուդենիչին այդ բոլորը բավականին խորթ էին: Նախ՝ ըստ էության նրանց այդ բոլորը չէր հետաքրքրում և դա նրանց գործունեության ու պաշտոնական գիրքի շրջանակներում բոլորովին երկրորդական հարց էր, իսկ մյուս կողմից՝ նրանք բոլորովին էլ մտադիր չէին մտահոգվել և հազադավոր քննություններ նշանակել մեղավորներին դատելու ու պատժելու համար: Հայ ժողովուրդը նույնիսկ այդ պայմաններում աղետից դուրս գալու միակ հույսը, շարիքի փոքրագույնը համարում էր ռուսական հրամանատարության կողմից սահմանված օկուպացիոն ռեժիմը թեկուզ և այն պարզ պատճառով, որ այդ ռեժիմը մնացած հայ բնակչությանը փրկում էր ֆիզիկական բնաջնջումից:

О ПОЛИТИКЕ ЦАРИЗМА В РАЙОНАХ,
ЗАВОЕВАННЫХ КАВКАЗСКОЙ АРМИЕЙ В 1914 — 1917 гг.

А. О. АРУТЮНЯН

(Резюме)

В годы первой мировой войны русская Кавказская армия наголову разбила турецкие войска в ряде ожесточенных сражений, особенно в Сарыкамышском, Алашкертском и Эрзерумском, и захватила огромную территорию. Такие стратегически важные пункты, как города Трапезунд, Эрзерум, Мамахатун, Байбурт, Эрзинджан, Ван, Муш, Битлис и другие, оказались в тылу действующей русской армии.

Так как царское правительство и высшее командование рассматривали завоеванные территории в качестве потенциальной составной части империи, то естественно возник вопрос об организации управления (колонизации) занятых районов.

Вопрос этот был из весьма сложных. Необходимо было учитывать интересы и отношения между различными народами и племенами, населявшими эти территории, а также столкновение интересов великих держав на Ближнем Востоке. Еще до начала и особенно в ходе войны шла оживленная переписка о формах управления в Западной Армении и других районах Османской империи, занятых русскими войсками.

В разработке общих принципов этой сложной проблемы принимали участие министр земледелия Кривошеин, министр иностранных дел Сазонов, наместники на Кавказе граф Воронцов-Дашков, великий князь Николай Николаевич, командующий действующей Кавказской армией генерал Юденич, командиры корпусов и многие другие гражданские и воинские чины.

5 июня 1916 года, в итоге переговоров и рекомендаций, Николай II утвердил «Временное положение об управлении областями Турции, занятыми по праву войны», а также ряд инструкций, вытекающих из этого положения.

На занятых районах было создано генерал-губернаторство во главе с генерал-губернатором. Оно состояло из четырех областей: Ванской, Хнысской, Эрзерумской и Понтийской. Области делились на округа (их было 29), округа — на участки, а последние на городские и сельские общины.

Во главе этих административных делений стояли соответствующие начальники (главным образом военные), для которых в стиле воинских уставов был разработан круг функциональных обязанностей и прав. Правительство и военное командование проявили исключительную заинтересованность в быстром укомплектовании органов милиции, так как жизненно важное значение приобретала борьба с бандитизмом, грабежом и произволом турецких, отчасти и курдских вооруженных банд, угрожавших нормальному снабжению, парализовавших внутреннюю жизнь и препятствовавших действиям армии. Раскрывая колонизаторскую политику царизма на Ближнем Востоке, автор вместе с тем усматривает в мероприятиях царского правительства и русского командования шаги, направленные на установление государственного порядка и обеспечение личной безопасности населения. В частности, для армянского народа это было наименьшим злом по сравнению с турецким гнетом и вандализмом.